

**Wáraga bi Páwulo eké zí 'yi ga
bi simi
Kolósayi
ní
Ledre gi ro búkụ bi Kolósayi
ní**

Kolósayi ni gara mi'dí gólụ simi káṅgá bi karaba ndịshiní ndólo a Táki ní. 'Yimikása Páwulo nderéogụ aka ené íri wá, ni kí mongụ sómụ ledre gi zía uwú go kídí 'yi ɾanga e niyí dongará 'yi 'bi Kírésìto ga bi íri ní. Ukuní ledre zí 'yi ga bi 'bi Kírésìto íri ní kídí idíní lódú kací ondú 'bi Yúda e bi káa zí útú ngburu, óto úndru maláyika e ní gi ro zí Lomo ídíné kí rokinyi. Née ní zí Páwulo úku ándá ledre zíye simi ledre bi eké ba kídí umbu bi Kírésìto uyu ní omoní ba gi zía, ni cakaba komo ere 'dága Ngére do maláyika e kí lomo e kpá za kí éyí ga bi do sogo káṅgá ní mbá. Zía kpá úku ledre zíye kídí gi do kací Kírésìto ngiti éyí bi niyí óto úndrua ní ndaá. Idíní óto dujụ úndru Kírésìto. Miméngi ledre eyé idí idí miméngi ledre 'bi 'yi ga bi Lomo gelé yée go káa do 'yi ené e ní.

¹ Maa Páwulo bi Lomo gelé maa káa do 'yimikása zí Kírésìto Yésu ní, azé kí lúnduzé simi Lomo Timatíyo.

² Ekézé ledre ba zise ga bi ngungusé ledre 'bi Kírésito go, zise ídise go mbígí 'yì ené e simi Kolósayi ní.

'Buzé Lomo idí lúró bi kacise gi do bi zise ndisise bilámase.

Páwulo i'bí mbófo éyí zí Lomo

³ Kací kadra e mbá ndisizé, í'bí mbófo éyí zí Lomo bi 'Bù Ngére ezé Kírésito Yésu ní gi rosé simi bi azé go ndisi ini ini zía ní. ⁴ Gi zía uwúze go kídí ngungusé ledre Kírésito Yésu go kینگaya, zise ndisise go óto 'bú lafúse e ga bi 'yì ené e ní dosé kینگaya. ⁵ Ndisise mengi ledre née kenée, gi zía ndisise go óto komosé gi ro rokinyi bi Lomo ndisi bándáóto a zise komo ere ní. Ówo yemesé ledre a simi bi kóo úwúse bilámá ledre ené ní. ⁶ Bilámá ledre née ni go fú lá aṅga do sogo kángá. Tú'dú 'yì e niyí go ndisi óyóló'bó sómú ledre eyé gi zía, cé káa zí bi kóo mengi roné zise simi bi kóo úwúse ma'díi ledre zise ówoyéme a kídí Lomo yomo sée gi zí bilámá mimbé'dea bi rosé ní. ⁷ Úwúútusé kóo bilámá sanda née gi tara Epáfura, ngúru ezezé. Ni bilámá 'yì moko 'bi Kírésito, ndisi sáká sée ne ngára ndazé íri wá ní. ⁸ Uku ledresé ne zize kídí ndisise go óto 'bú lafúse simi roko'bu 'bi 'Dówú Lomo.

⁹ Simi bi uwúze ledre née kenée ní, zize ndisizé ini ini zí Lomo gi rosé kací kadra mbá. Idí 'dódo éyí bi ili ídisé mengi a ní zise gi ro zise ídise kí komokenzi 'bi 'Dówú Lomo. ¹⁰ Ndisizé ini ini zí Ngére ezé Kírésito gi ro zí mimengi ledre esé óto wo zía ówo a kídí ndisise go óto

úndruné zía ídíne kí rokinyi kí ledre esé e mbá. Zía ndịsíné í'bí míkánda ówo ledre 'bì Lomo zise kací kadra mbá, zise ndịsísé méngì dụnụ bilámá ledre e. ¹¹ Ndịsízé kpá íni ini, idí í'bí roko'bu zise kíngaya gị ro togụ mindịsísé ndaá bilámáne wá yá, zise ndịsísé ụtụsimísé gị ro zise ídíse kpá fú kí rokinyi. ¹² Ídíse mbófo 'Buzé Lomo gị zía oto sée go zise ídíse mbigí 'yì ené e gị ro ndịsísé simi bilámá bi bi bandá oto go gị ro 'yì ené ga bi niyí go simi bimióngó ené ní. ¹³ Lomo yomo zée go gị zí Satána kí ídíne ngére dozé. Zía nda óto Owú 'bì ené bi 'búa ni doa kíngaya ní, káa do Ngére ezé. ¹⁴ Ngére Yésu ma'dáa ugú gozé ne gị simi umbu 'bì lúyú ledre, zí Lomo ótoómo ledre zize gị zía.

Kírésìto romo do eyì e mbá

¹⁵ Miméngì ledre 'bì Kírésìto ndịsì 'dódo miméngì ledre 'bì Lomo bi lurúze wo kí komozé wá ní. Romo do éyì ga bi Lomo otoogu yée ní za mbá, zía kpá ídíne kí roko'buné doyé. ¹⁶ Simi bi Lomo otoogu do sogo kángá ba kí ere kí éyì ga bi siminé ní mbá, yée ga bi lurúze bú kí yée ga bi lurúze wá ní, otooguní kóo yée kí Owú 'bì ené Kírésìto Yésu. Zíye kpá ótoógu mingburoko ngére e kí tų'dụ ngiti géyì mingburoko 'yì e, kí roko'bu ga bi zíye ní mbá, zía óto Kírésìto káa do Ngére doyé. ¹⁷ 'Dá'dá gị zí éyì ga gére née mbá, Kírésìto ni yì ené goó bo. Ndịsì bándá éyì ga gére née ne zíye ndịsì ídíye. ¹⁸ Ni káa zí do ní zí 'yì ga bi ngununí ledre ené go ní. Ni ne mizefi 'yì bi urúutu roné gị simi umbu ní. Gị zí kényi née

zía ídíne kí ledrené owóowó rómo do 'yìma'dí e kí éyí e mbá. ¹⁹ Lomo ni kí rokinyi gi zía Owú 'bi ené nées ni cé káa zí ne ní simi ledre e za mbá. ²⁰ Yeme ledre ba gi ro zí Kírésito i'bí roné úyuné do mĩngbũngbu kágá gi ro zĩne ídíne kí rokinyi, zĩne 'dí'bilúgu éyí ga bi komo ere kí yée ga bi do sogo kãngá ní mbá simi sũmu.

²¹ Bisinyí mimengí ledre esé kí misómũ ledre esé oto kóo sée go zĩse ídíse ezeokó Lomo. ²² Cakaba ní Lomo 'dí'bilugu sée go simi sũmu gi zí umbu bi Owú 'bi ené Kírésito uyu wo gi rosé ní. Mengí ledre nées kenée gi ro simi bi karanées kadra ngbanga áse ógu tóro kó'dũne ní, áse go drá lúyú ledre bi do 'dēcĩ ngbanga rosé gi zía ní ndaá lolu wá. ²³ Gi zí kényi nées, ídíse lányá ngbúo ro ledre 'bi Kírésito bi ñgũngusé ní. Ndásé óyóló'bó sómũ ledre esé kpĩ kpá kí óto komosé bi ótosé gi ro bilámá sanda bi kóo oguní kée zĩse ní wá. Bilámá sanda nées ukuní go zí tũ'dũ 'yì e do sogo kãngá za mbá. Maa Páwulo Lomo gelé maa gi ro ndĩsĩ úku ledre bilámá sanda maa nées zí 'yì e.

Kírésito ni gi ro 'yì e mbá

²⁴ Mááyí kí rokinyi simi bi mááyí ndĩsĩ 'dó'dó gi rosé ní. Rokinyi maa nées ni gi zía 'do'dó bi mándĩsĩ 'dó'dó a ba, mãmengí í'dí ba ledre bi kóo Kírésito yemeoto ya máídí 'dó'dó gi rosé 'yì ené e ní. ²⁵ Lomo i'bí moko nées zĩma gi ro ndĩsimá gámama kí úku bilámá sanda nées mbá zĩse 'yì ga bi ndásé Yúda e wá ní. Mándĩsĩ mēngí nées moko bi Lomo ili zĩma mēngí a zí 'yì ené e

ní. ²⁶ Bilámá sanda née ni kóo miótoéciné gi zí 'yi e kí tú'dú simibi e. Karaba ní Lomo 'dodo oḡu nda go gbuḡara zí 'yi ené ga bi ṅuṅguní ledrené go ní. ²⁷ Lomo ili zí 'yi ené e mbá ówoyéme mongú ledre bi née mengi zise ga bi ngára ndásé Yúda e wá ní bilámáne. Ledre máa née, ni Kírésito ndiši go ndiši simisé kací kadra mbá zise kpá go ówo a bilámáne kídí, karanée Lomo i'bí úndru zise.

²⁸ Kací kadra mbá komokenzi bi Lomo i'bí zise ní, ndišizé 'dódo ledre gi ro Kírésito kíe zí 'yi e mbá, gi ro zí 'yi máa yé bi ṅuṅguní ledre 'bi Kírésito go ní, zíye ídiye kí roko'bu royé ndiši ngbóróye nda 'dá'dá za kíngaya. ²⁹ Née sí ledre bi mándiši méngi moko née kí roko'bu ga bi mbá Lomo i'bí zíma ní.

2

¹ Ídise ówo a kídí máí'bí romá go mbá ndiši méngi moko gi rosé kí ngíti géyi 'yi ga bi ṅuṅguní ledre 'bi Kírésito niyi simi Lawudikiya nda kpá kí ngíti géyi ga bi ngára owoní aka máa wá ní. ² Mándiši méngi ledre née kenée gi ro zise ídise kí roko'bu rosé, zise ndišisé óto 'bú lafúse kí rokinyi, zise ídise éyi kije'do simi ledre e mbá gi ro zise ówoyéme Kírésito bi kóo Lomo otoeci ledre a ní do bilámá misi'diné. ³ Owo ledre kí komokenzi niyi za mbá do sílì Kírésito. ⁴ Mándiši úku a kenée née káa bi áse ótoómo rosé zí 'yi e sínyi simi dosé kí bikinyi ódro bi utúasá sáka sée wá ní ke. ⁵ Abú ndazé kése do bi kije'do wá, másómúligi ledresé wá. Mááyí kí mongú rokinyi romá kací kadra mbá kí úwú ledre bilámá ndiši

esé kpá kí ñgúngu ledre esé bi ni kí roko'buné kíngaya óyósé sogosé zí Kírésìto wá ní.

Kírésìto 'dodo mikánda miméngì ledre go zíze

⁶ Káa zí bi ñgúngusé ledre Kírésìto Yésu go káa do Ngére esé ní, ídísé nda mu lánýá ro moko 'bi Kírésìto, ⁷ zíse ési ciyíse ñgírì kí ndìsì ó'bó yéme ndìsì esé simì Kírésìto gì ro zí ñgúngu ledre esé ídine ngbúó káa zí bi kóo 'dodonì wo zíse ní. Mimbé'desé idí 'dúcu kí rokinyi simì bi ásé ndìsì í'bílúgu mbófo éyì zía ní.

⁸ Ídísé mu bándá rosé bilámáne kíngaya káa bi bicayi 'yì 'dódo ledre ga bi sága ona ba niyì sínyi simì dosé kí 'dó'do ledre bi ndìsì ógu gì zí komokenzì 'bi 'yìma'dí e ní. 'Dódo ledre eyé ndìsì ógu gì zí roko'bù 'bi do sogo káṅgá ba, ndaá gì zí Kírésìto wá.

⁹ Kírésìto ogu do sogo káṅgá ona 'dódo miméngì ledre 'bi Lomo zí 'yì e. Úndru kí roko'bù 'bi Lomo ni mbá roa. ¹⁰ Gì zí keyì néesé ní, ñgíti éyì bi lerì a ni ídì rosé ní ndaá, gì zía 'dú'du esé ni go nyé káa zí 'bi Kírésìto ní. Ni ne Ngére do ngére e kí roko'bù bi do sogo káṅgá ona ní mbá. ¹¹ Gì zía bi ásé go kíé'do kí Kírésìto ní, néesé kóo go miútúse ngbuṛu. Ndaá 'bi ené útú ngbuṛu bi 'yìma'dí mengì ne ní wá. Ni útú ngbuṛu bi Kírésìto oṅgooyó lúyú ledre ezé úcuóyó a 'dá'ba, zíze ídíze karaba kí ro dozé, gì zí roko'bù 'bi lúyú ledre bi simì rozé ní. ¹² Kadra bi kóo babatizíní séesé ní, ásé kóo go miótosé gu kí Kírésìto, zí Lomo úru séesé gì simì umbu, gì zía

ngúngusé ledre roko'bu 'bi Lomo bi uru Kírésìto ḱe gi simi umbu ní go.

¹³ Gi zía kóo 'desí ní, ásé kóo miúyusé simi Lomo gi zí lúyú ledre esé e kpá gi zía bi ngúngusé kóo ledre 'bi Lomo zise ídise káa do mbigí 'yi ené wá ní. Zía 'dí'biógú sée go gi ro zise ídise trìdrisè ndro kí Kírésìto. Cakaba ní Lomo ootomo ledre go zize gi simi lúyú ledre ezé e za mbá. ¹⁴ Mengi ledre née kenée gi zía lùlùoyó bisinyí miméngi ledre ezé ga kóna eké otóní wo do sgozè ní go mbá 'dá'ba. Zía 'dí'bi a mbá ndéré ḱe phéphé a do mingbúngbu kágá. ¹⁵ Simi bi phephéní Yésu ni aka çikí do mingbúngbu kágá ní, zía 'dí'bióyó roko'bu gi zí ezeokóne kpá kí bicayi lomo ga bi ndisíní óto úndru Satána ma'dáa ní mbá. Zí Lomo 'dódo a zí 'yi e ówo a mbá kídí ma'díi, Kírésìto romo komo Satána go.

¹⁶ Bi kenée ní, ndásé óto komosé ro ledre 'bi 'yi e bi yaá Lomo ni í'bí 'do'dó zise gi ro toso éyí ga bi ndisísé ánu yée kí éwé yée bi lorù 'bi Yúda e ili zise ánu yée kí éwé yée wá ní wá. Kpá kenée, ndásé óto komosé ro ledre 'bi 'yi ga bi ya ídise ndisí lódú ondú 'bi mingburoko sílì ga bi kí ledreyé owóowó, Sílì 'bi 'Dówúro nda kí mikánda éfé wá. ¹⁷ Ledre ga gére née mbá niyí yi eyé lá lili ledre bi gú karanée ni ógú ní. Mbigí ledre ni yi ené duú Kírésìto Yésu.

¹⁸ Ndásé óto komosé ro ledre 'bi 'yi ga bi yaá, Lomo utúasá í'bí úndru zise wá, gi zía 'bó'búsé esé rosé do komo Lomo kpá kí ótosé úndru maláyika káa zí yée wá ní wá. 'Yi ga gére née

ndịsịní ìlì kí ledre ga bì yaá Lomo ukui'bíne zíye simi 'duru ní, ledre máa née ogụ ené gị zí Lomo wá, yí ené sómụ ledre eyé 'bì 'yìma'dí e. ¹⁹ Bì kenée ní, 'dodoní eyé mbigí 'dódo ledre 'bì Kírésìto bì nì manda 'dá'dá ezé ní wá, gị zía 'dódo ledre eyé nì yí ené kí sómụ ledre 'bì 'yìma'dí e. Kírésìto bì nì manda 'bì 'yì ga bì ụngụngụnì ledre ené ní ndịsị í'bí roko'bu ne zí 'yì ené e gị ro zíye kótrụ royé ndịsị tátá kí ledre ené 'dá'dá kí roko'bu 'bì Lomo.

²⁰ Káa zí bì kóo kuřú rosé bì 'bì lúyú ledre uyu go ndro kí Kírésìto bì uyu ní, roko'bu 'bì sága ba ndaá lolụ dosé wá. Éyí bì ndịsísé méngị rosé káa zí ásé aka fú lá sị sịlì lorụ ga 'bì sága ba káa zí, ²¹ “Ndásé óto sịlìse ro ngíti géyì éyì e wá, Ndásé ánu ngíti géyì éyì e wá.” ²² Lorụ ga gére née za mbá ogụnì gị simi sómụ ledre 'bì 'yìma'dí gị ro éyì ga bì niyí úkú eyé miúku ní. ²³ Ngíti géyì 'yì e somúnì ya lorụ ga gére née niyí bilámáye gị ro zí 'yì e ndịsìyé lódú a, gị zía oto yée go ndịsị méngị mिंगburoko ledre ga bì nì 'dódo a kídí yée ndịsịnì née go ma'díi óto úndru Lomo ní. Lorụ ga gére née otoní 'yì e go zíye ndịsị 'bó'bu royé kpá kí ásiyé gị ro éyì ga bì royé ndịsị ìli yée ní. Tí lá roko'bu 'bì lorụ ga gére née utúasá ené sáká 'yì e gị zí roko'bu 'bì éyì ga bì royé ndịsị ìli yée ní wá.

3

¹ Lomo uru kótrụ kóo sée go ndro kí Kírésìto, ídísé nda mu óto komosé dujụ ro cóngó ledre ga bì komo ere kí'dí bì Kírésìto ma'dáa nì mindịsíné

do sǐlǐ 'buné 'bi anú káa do Ngére ní. ² Káa zǐ bi goó kenée ní, ídísé nda mu óto komosé òwú ro ledre ga bi komo ere, ndaá éyǐ ga bi do sogo káńgá ona ní wá. ³ Cakaba ní, trǐdrǐsé nǐ go do sǐlǐ Kírésǐto bi niyǐ mindǐsiyé kí Lomo komo ere ní. ⁴ Kírésǐto Yésu nǐ nées 'yǐ bi i'bí trǐdrǐ zǐze ní. Simi bi karanée nǐ ndá'baogú ní, azé ídí kéye mbá 'yǐ ga bi niyǐ go miútúásáye do komo Lomo ngára lúyú ledre ndaá royé wá ní.

⁵ Káa zǐ bi goó kenée ní, 'bú bisinyí ledre ga bi 'bi do sogo káńgá ba, ledre 'bi só'do ro'yǐ kí 'yǐ bi ófúsé rosé kéne wá ní, mongú mimbé'de bi nǐ óto mimbé'de 'yǐ òwú ro éyǐ ga bi 'yǐ ili yée ní kí ledre ga bi emení ngú ní mbá, ídísé úfuoyó 'búye gǐ dosé za mbá 'dá'ba. Miméngǐ ledre ga gére nées nǐ káa zǐ 'yǐ ndǐsǐ óto úndru lomo ga bi yemení yée kí sǐlǐ 'yǐ ní. ⁶ Nées miméngǐ ledre ga bi mimbé'de Lomo ndǐsǐ ésǐ gǐ zǐa ro 'yǐ e miésǐ ní. ⁷ Simi bi koo ngúngusé aka ledre Yésu wá ní, ndǐsǐsé koo méngǐ mbá ledre ga gére ní. ⁸ Ga ba kpá ngíti géyǐ ledre ga bi ili zǐse ótoómo yée 'dá'ba ní. Mimbé'dekesǐ, óto bisinyí mimbé'de ro lafú'yǐ e, bisinyí ódro ga bi ndǐsǐ 'dí'biogú dokuwu ní kí á'ba ledre, ídísé ótoómo ledre ga gére nées za mbá 'dá'ba, ⁹ gba ɾanga, káa zǐ bi áse go mikánda 'yǐ e ní, ídísé ótoómo ɾanga kpá 'dá'ba. ¹⁰ Lomo oyólo'bó sómú ledre esé go, áse go mikánda 'yǐ ené e, miméngǐ ledre esé nǐ go cé káa zǐ 'bi ené ní, gǐ zǐa áse go ówoyéme wo kíngaya. ¹¹ Azé òwú kúfú 'yǐma'dí e kíé'do. Éyǐ nda íri kídí ba 'bi ené Yúda, wo ba 'bi Gírǐgǐ, togú wo bi utú go ngburu togú utú wá, togú áyǐ 'yǐ bi

kí tǔ'dù éyí e zíyí togú éyí ndaní zíyí wá, togú áyí owúkúlú togú ndá owúkúlú wá. Simi ledre ga gére née mbá, Kírésìto nì dùú ne kí ledrené owóowó. Ndìsì ndìsì simizé mìkèkèrĩa mbá.

¹² Káa zí bì Lomo oto 'bú sée go zía gélé sée káa do mbigí 'yì ené e ní, ídísé ídí 'yì lúrú lerí lafúse, 'yì méngì bilámá ledre zí 'yì e, 'yì sáká 'yì e kací kadra e mbá. Zíse ídísé 'yì lúrú bi simi ledre e kere kí ásé fú ìtì. Zíse ídísé ndoo kpá 'yì 'bó'bú ro simi ledre e. ¹³ Ídísé ídí 'yì ótoómo ledre zí 'yì e, káa zí bì kóo Ngére Yésù otoomo ledre zíse ní. ¹⁴ Simi ledre ga gére née mbá, ídísé óto 'bú lafúse gí zía née éyí bì ndìsì ódókótrù 'yì e zíye ídíye kíé'do ní.

¹⁵ Gí zía bì Lomo gelé sée go káa do mbigí 'yì ené e ní, Kírésìto í'bí roko'bù go zíse gí ro zí m̀ndìsìsè ídíne kíé'do kí lafúse. Bì kenée ní, zíse ndìsìsè kí m̀mbé'desé kíé'do simi ledre e mbá kpá kí ndìsì í'bí mbófo éyí zí Lomo. ¹⁶ Kací kadra mbá cýyí ledre 'bì Kírésìto idí idí simisé ngírì gí ro zíse útúásásé ndìsì 'dódo ledre ené kpá kí í'bí lorù kíe zí lafúse. Zíse ndìsìsè úku ke'bì mbófo Lomo kéye kací kadra mbá. ¹⁷ Éyí ga bì ásé méngì yée ní mbá, togú miódrosé togú m̀méngì ledre esé e, ídísé méngì a za mbá kí ìrì Ngére Yésù. Káa zí bì ndìsìsè í'bí mbófo éyí zí 'Buzé Lomo gí zía ní.

Lorù zí 'yì ga bì 'bì Kírésìto ní

¹⁸ Sée ga bì me'be ya'dá e ní, ídísé úwú kúrú ya'dá 'bì esé e gí do bì zíse útúásásé káa do mbigí 'yì ga bì 'bì Ngére Yésù ní.

19 Sée ya'dá 'bi kará e, ídísé óto 'bú me'besé e kíngaya, ndásé ndịsị ési lerị royé wá.

20 Sée owú e ídísé ídí 'yị úwú kúrú 'yị ndíki sée gi ro zí Ngére Yésu ídine kí rokinyi kíse.

21 Sée 'bumiowú e kí mbámiowú e, ndásé ndịsị lorụ owú 'bi esé e kí bisinyí mimbé'desé wá káa bi sómú ledre eyé ni sínýí ke.

22 Sée owúkúlú e, ídísé ndịsị méngị moko zí mingburoko 'yị esé e kí mimbé'desé kíé'do káa zí éyị bi méngísé moko née zí Ngére Yésu ní. Ndásé méngị a kenée 'búó togụ komo mingburoko 'yị esé e ni rosé gi ro zíye ídíye kí rokinyi ní wá. 23 Simi moko esé e mbá, ídísé ndịsị méngị a kí mimbé'desé kíé'do gi zía ndịsísé méngị moko née zí Ngére Yésu, ndaá 'bi ené zí 'yima'dí wá. 24 Ndịsísé méngị moko née zí Kírésito Yésu Ngére. Ma'díi, ni í'bí tákpásílí zise kací bilámá moko bi méngísé wo née. 25 Tí lá ídísé ówo a kídí, togụ 'yị luyú ledre go yá, Lomo ni 'dēcị ngbanga roa útúásáne kpini kí bisinyí ledre bi méngị wo ní.

4

1 Sée mingburoko 'yị ga bi owúkúlú e ndịsini méngị moko zise ní, ídísé í'bí zíye tí éyị bi ni útúásá sáká yée ní, gi zía 'bi esé mongú 'yị ni kpá bo dosé komo ere.

Ídísé ndịsị ini ini zí Lomo kíngaya

2 Ídísé ndịsị ini ini zí Lomo kí mimbé'desé mbá, zise ndịsísé kí 'bá'ba rosé gi zí bisinyí ledre, zise ndịsísé í'bí mbófo éyị zí Lomo. 3 Ídísé kpá ini ini

zí Lomo gị rozé, idí likpí m̀isi'di źize gị do b̀i źize úku bilámá ledre 'b̀i Kírésìto źi 'ỳi ga b̀i ngárá owoní aka wá ní. Née s̀i ledre b̀i onzóní máa gị źia simi sígìnì ní. ⁴ Ídísé ìni ini, Lomo idí í'b́i roko'bu źima úku bilámá ledre 'b̀i Kírésìto ḱie źi 'ỳi e do bilámá m̀isi'diné. ⁵ Kací kadra mbá ídísé idí 'ỳi komokenzì e dongará 'ỳi ga b̀i owoní aka ledre 'b̀i Kírésìto wá ní. Ídísé nd̀isì úku 'dódo ledre 'b̀i Kírésìto źiye kací kadra mbá. ⁶ Simi b̀i ásé nd̀isì 'dódo ledre źiye ní, ídísé ódro do bilámá m̀isi'diné gị do b̀i źise ídísé nziyisé gị ro úkulúgu ledre kací ndu'yú ga b̀i togú niyí ndú'yú sée ḱie ní.

Odu ledre źise

⁷ Mákása Takíka gị yáa go źise íri. Ledre ga b̀i gị do bimá ní, ásé úwú yéme yée gị taraa. Nì bilámá ezemá b̀i nd̀isizé méngì moko 'b̀i Ngére Yésu kéne ní. 'Búa nì domá ḱingaya. ⁸ Mákása wo gị ro źia úku mbigí ledre b̀i gị do bizé yáa ní źise gị ro źi mimbé'desé ìdrìne. ⁹ Takíka ma'dáa niyí gị yáa go do m̀isi'di ḱi Onésìmo b̀i kpá ngúru bilámá 'ỳi 'b̀i moko 'b̀i Kírésìto nì kpá ḱi 'búne domá ḱingaya ní. Niyí úku mbigí ledre ga b̀i gị do bizé yáa ní źise íri.

¹⁰ Ezemá b̀i azé kéne simi sígìnì yáa, Arisitáka ḱi Ḿariko b̀i kóo máúku ledre a źise yaá nì owú 'b̀i s̀umù Baranába ní i'b́iní mandá źise íri. Togú Ḿariko ma'dáa ogu go źise íri yá, ídísé 'dí'b̀i wo simi s̀umù bilámáne. ¹¹ Yásuwa b̀i nd̀isìnì kpá ndólo wo Yúsìto ní i'b́i kpá mandá źise íri. Ya'dá ga b̀i ota née, Arisitáka, Ḿariko nda ḱi Yúsìto, ga

gére née Yúda ga bi yáa i'bíní mimbé'deyé go zí Ngére Yésu ní. Ndịshíní sáká máa yáa ye kí moko 'bi Ngére Yésu bi mándịsị méngị a ní.

¹² Epáfura bi ni kpá ngúru 'yi 'bi Kolósayi, lúndusé simi Lomo, i'bí kpá mandá zise íri. Ni kpá ngúru bilámá 'yi moko 'bi Kírésito Yésu. Kací kadra mbá ndịsị íni ini zí Lomo gi rosé, Lomo idí i'bí roko'bu zise gi ro zise tórosé ngbúó simi moko ené 'bi Lomo bi áse simi a ní.

¹³ Máúku zise ma'díi, Epáfura i'bí roné go ndịsị méngị moko gi rosé Kolósayi ní kíngaya. Zía kpá i'bí roné gi ro lafúse ga bi simi Lawudikiya ní kpá kí yée ga bi simi Yerapolisi ní. ¹⁴ Ezelámáze Lúka, bi dokotóro ní kí Démasi i'bíní kpá mandá zise kíngaya.

¹⁵ Mandá zí 'yi 'bi Kírésito ga bi simi Lawudikiya ní, okpó mbá zí Nífa kí 'yi ga bi 'bi Kírésito ndịshíní yóko royé ndịsị íni ini zí Lomo zía 'be íri ní.

¹⁶ Togú ólosé ledre ba go yá, ídísé kpá kása a zí lafúse ga bi simi Lawudikiya ní. Wo bi kóo mákása zíye íri ní, idíní kása zise gi ro zise kpá ólo a.

¹⁷ Ídísé úku ledre zí Arakípo idí méngị moko bi Ngére i'bí do sịlía ní bilámáne ndéréóguné kie gi do oduné.

¹⁸ Máa Páwulo, máéké ledre ba máa kí sịlma zise. Mandá zise íri kíngaya. Ndásé sómúligi ledremá simi sịgini yáa wá. Lomo idí méngị bilámá ledre zise. Idí kenée.

MIKÁNDA LORU 'BI LOMO KÍ DOSÍ ÉYÍ E
Baka: MIKÁNDA LORU 'BI LOMO KÍ DOSÍ ÉYÍ E New
Testament+

copyright © 2016 Wycliffe Bible Translators, Inc.

Language: Baka

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 21 Feb 2024 from source
files dated 29 Jan 2022

9ebc1b62-650d-5302-9391-27a31d140102